



UNIVERSITÄTS-
BIBLIOTHEK
PADERBORN

Universitätsbibliothek Paderborn

FRANCISCI|| XAVERII EPISTOLA-||RVM LIBRI|| QVATVOR||

Francisco <de Javier>

Mogvntiæ, 1600

VD16 J 197

Balthasari Gago BaZainum.

urn:nbn:de:hbz:466:1-43721

uocabis humilitatē, si ne sic quidē ad sanitātē redeant; Societatem inutili onere leuabis. Pr̄estat enim paucos esse Socios, ac frugi, quā multos & nequā. Absentes omnes Socios de cōcordia cū omnibus, maxime vero cū Episcopi Vicariis, & Prefectis oppidorū tuenda, per litteras identidē cōmonebis. Præceptoriū, quę tibi reliqui, eis exempla mittes, atq; illud denuntiabis, si qui moderatoribus suis minus dicto audientes fuerint, serius aut citius nostra Societate carituros. Idque illis aperite ac totidē verbis, quibus ego usus sum, denuntiabis; vt melius posthac suis quisque rationibus consulat. Bazainum ad P. Melchiorem scribes, vt Texeram Socium atque adiutorem habeat apud se. Deus mihi, tibiq; ac cæteris sanctitatem impertiat. Amen.

VIII. Kal. April. MDLII. Cocino.

Balthasari Gago Bazainum. Epist. V.

SVMMO PERE te oro, quæsoque, vt pro tua erga Christum caritate, ac studio diuinæ gloriæ, vbiique Christi bonus odor esse studeas: teq; exemplum omnium virtutum ciuitati proponas. Omnino autem caueas, ne qua in re animos hominum offendas. Id consequeris si moderatio in te, & Christiana enitebit humilitas. Itaque initio in humilibus officiis te & abiectis exercebis sedulo. Cives vtique hac ratione conciliati, quicquid

ta-
ois.
quā
s de
pi-
da,
to-
tq;
uis
ci-
sa-
m,
que
Iel-
que
piq;
en.

pro
di-
esse
um
cas,
.Id
ana
ili-
lo.
ic-
uid

quid dices aut facies, bonam in partem acci-
pient. Idque hoc etiam magis, si in eisdem il-
lis officiis perseverare te in dies ardentius vi-
derint. Quare te vehementer oro, ne obliui-
scaris tui in virtute progressus. Neque enim
te fugit, qui in virtutis via non progredia-
tur, regredi. Iterum à te peto, quæsoque per
Deum, ut tuo exemplo populum excites ad
pietatem. Si submissione animi, & prudentia
instructus eris, non dubito, quin & tui ope-
ris fructus vberes latus sis, & bonus plane
concionator futurus. Siquidem humilitas,
& prudentia multarum sunt, magnarum
que rerum parentes, ac magistræ. Valetudi-
naria, & vincitorum custodias crebro visita-
bis. Hæc enim Christianæ humilitatis offi-
cia ^{Christianæ} _{Humilita-} preterquam quod Deo grata sunt, & ho-
minibus salutaria, non vulgarem etiam a- _{tis officia.}
pud populum existimationem atque auto-
ritatem pariunt, etiam iis qui neque munus
habent, neq; facultatem concionandi. Præ-
fecti, Vicarij, Sacerdotum, Sodalium Mise-
ricordiæ, regiorum Magistratum, ciuitatis
vniuersæ amorem, & conciliabis tibi & tue-
beris diligenter. Per magni quippe id re-
fert ad flectendas, quounque opus sit,
hominum voluntates, tum concionan-
do, tum confessiones audiendo, tum con-
grediendo. Ad nouum istum Christiano-
rum fœtum fouendū, & augendum, sane ve-

R 2 lim

lim autores, adiutoresque adhibeas Præfetum, Vicarium, & Sodales Misericordiæ. Proinde id ages, vt quantacunque accessio diuino cultui per te facta erit, illis accepta referatur. Sic enim fiet vt tuos conatus magis adiuuent, impedian minus. Atq; etiam consequeris, vt in tuis difficultatibus, ac dimicationibus amicos, ac patronos habeas plures, aduersarios pauciores, aut potius neminem. Quis enim oppugnare te audeat, quem constet, talium virorum præsidio temere esse? Itaque si quando de Christianæ fidei propagatione litteras ad Lusitanæ Regem dabis, honorificam & gratam de egregia eorum erga rem Christianam voluntate facies mentionem: atque ipsis, si videbitur, eas litteras ostendes. Omnia que petes ab Rege, vt illorum erga nos, Christiq; religionem officia grata sibi accidisse significet: & eorundem studia per litteras ita collaudet; vt omnia diuini cultus, reiq; Christianæ incrementa ipsis potissimum attribuat secundum Deum. Ad Regem nunquam, nisi de rebus ad religionem Ethnicorumque conversionem pertinentibus litteras dabis. Nam de cæteris negotiis ad Socios in Lusitaniam scribere oportebit. Ad offendentes hominū vitandas, collegij & Neophytorum vesticalia neque per te ipse, neq; per alium è Societate, si fieri possit, sed per alium quempis homi-

hominem idoneū exigas velim. Neq; enim erit, opinor difficile, procuratorem aliquem reperire locupletem, ne nostrarum fortunarum periculo negotietur, neu acerbius exigendo pauperes vexet: quem diuinarum rerum meditationibus instructum ad sacrorum mysteriorum frequentationem adducas, eique muneri volentem præficias. Deus nos pro sua benignitate coniungat in cœlo.
Dat. III. Non. Aprilis Goꝝ.

Patri meo in Christo P. Ignatio Romam.

Epist. VI.

*Gratia & caritas Christi D. N. sit nobiscum
semper. Amen.*

FEBRVARIO mense proximo scripsi ad te de me ex Iaponia in Indiam reditu, de multitudine Ethnicorum ad Christū aggregata, de Cosmi Turriani, & Ioánis Ferdinandi industria qui à me Amāgucij relicti Christianos iam factos, quiq; quotidie sūt, excolunt diligēter. Propediem duo ē Societate Amangucium proficisciētur, quipartim Turrianum sua opera iuuent, partim etiā Iaponica lingua erudiantur: vt cum spectata virtute Patres istinc aduenerint in Iaponicas Academias ituri, paratos habeant fideles interpres, quibus vtantur. Amangucij iam Dei benignitate Societatis domicilium est constitutum tam procul ab yrbe Roma. Ab-

R 3 cft